



Møteprotokoll for Heradsstyret

Møtedato: 19.02.2020
Møtestad: Osterøy rådus - heradsstyresale
Møtetid: kl. 16:00 – kl. 21:00

Frammøtte medlemmer	Parti	Rolle
Lars Fjeldstad	SP	ordfører
Turid Bjørndal Njåstad	SP	Medlem
Johannes Haugland	SP	Medlem
Asgeir Presttun	SP	Medlem
Frode Flesland	SP	Medlem
Hjalti Heimir Gislason	H	varaordfører
Aksel Mjøs	H	Medlem
Berit Moslett Borge	H	Medlem
Ole Johannes Mjøs	H	Medlem
Rita Aud Tveiten	AP	Medlem
Johannes Myklebust Bysheim	AP	Medlem
Øyvind Litland	AP	Medlem
Jørgen Varden	AP	Medlem
Tone Mjelde	SV	Medlem
Elin Hege Brumer Bratvold Lona	SV	Medlem
Kjersti Ingolvsdotter Vevatne	V	Medlem
Jarle Skeidsvoll	KRF	Medlem
Bjarte Hammer Aarland	KRF	Medlem
Kari Laurhammer Mjøs	KRF	Medlem
Trude Tomren	MDG	Medlem
Alf Terje Mortensen	FRP	Medlem
Henrik Øksnes	FRP	Medlem
Ellinor Therese Birkeland	FRP	Medlem
Siren Tyssebotn	FRP	Medlem
Kim Andre Hartveit	FRP	Medlem
Ragnar Tyssebotn	FRP	Medlem
Sigmund Faugstad	FRP	Medlem

Frammøtte varamedlemmer	Parti	Erstatter medlem
Berit Ophus	SP	Vara for J. Haugland i sak 005/20
Alexander Thunestvedt	AP	Vara for R. Tveiten i sak 004/20
Herdis Helle	AP	Vara for J.M. Bysheim i sak 004/20
John Tysse	FRP	Vara for R.J. Tyssebotn i sak 004/20

Følgjande frå administrasjonen møte: Rådmannen og utvalssekretæren

Sakliste

Saknr	Tittel
001/20	Godkjenning av innkalling og sakliste
002/20	Godkjenning av møtebok
003/20	Delegerte saker
004/20	Prosjekt Arena for Næringsutvikling
005/20	Erverv av eigedom til samlokalisering av tenester
006/20	Søknad om opptak i forsøksordning om statleg finansierte helse- og omsorgstenester - nærare vurdering
007/20	4/4 - Hauge - Bruk av eigedom
008/20	Finansielle måltal
009/20	Eldrerådet - suppleringsval varamedlemmer
010/20	Rådet for menneske med nedsett funksjonsevne - nytt val av medlemmer og varamedlemmer
011/20	Stiftelsen Mjelstad Restdeponis Etterdriftsfond - val av styremedlem
012/20	Stiftinga Havråtunet - val av representant til styret for 2020 - 2023

ORIENTERING

BKK om mogeleg trace for ny kraftline over Osterøy

Orientering om prosjektet og planprosessen v/Eyvind Bohne-Kjersem og Per Rune Henriksen. Eivind Huse og Johan Matre var også til stades. Under orienteringa var det høve til å stilla spørsmål til BKK.

Prosjekt Arena for næringsutvikling

Tobby Sander Tomassen orienterte om status for arbeidet så langt og ulike prosjekt som er i gang.

Det vart ikkje gjort vedtak i tilknytning til orienteringane.

001/20: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

19.02.2020 HERADSSTYRET

Siren Tyssebotn, FRP, viste til innsend skriftleg spørsmål.

Ordføraren viste til at spørsmål og svar er lagt ut i Møteportalen.

Bjarte Aarland, KRF, varsla spørsmål til slutten av møtet.

Elin Hege B. Lona, SV, bad om å få ta opp sak om tilslutnad til opprop om evakuering av barn frå flyktningleiren i Moria i Hellas.

Ordføraren gjorde slikt framlegg: "Sak 007/20 vert trekt frå sakslista, då det er kome til opplysningar som krev fmeir utgreiing før handsaming i heradsstyret."

Heradsstyret slutta seg samrøystes til framlegget.

Med denne endringa vart innkalling og saksliste godkjend.

HS - 001/20 VEDTAK:

Innkalling og sakliste vert godkjent med slik endring som foreslått av ordføraren.

002/20: Godkjenning av møtebok

Rådmannen sitt framlegg:

Møteprotokoll frå vert godkjend.

19.02.2020 HERADSSTYRET

Johannes Bysheim, AP, viste sak 101/19 om val til klagenemd for eigedomsskatt og mogeleg feil. Ragnar J. Tyssebotn vart vald som vara og ikkje Vibeke Hanstvedt slik det står i protokollen.

Ragnar J. Tyssebotn, FRP, bad om slik merknad til protokollen: "Sak 101/19 Der skal Ragnar J. Tyssebotn stå som vara for Kim Andre Hartveit, og Vibeke Hanstvedt sitt namn skal bort."

Ordføraren bad sekretariatet sjå på om valet til klagenemnda er feilprotokollert.

Tone Mjelde, SV, gjorde merksam på at ho i eit tilfelle er knytt til AP og ikkje SV.

Det var elles ikkje merknader til utsend protokoll

HS - 002/20 VEDTAK:

Møteprotokoll frå 19.12.20 vert godkjend med dei framkomne merknader.

003/20: Delegererte saker

Rådmannen sitt framlegg:

Melding om delegerete vedtak vert teken til vitande.

19.02.2020 HERADSSTYRET

AVRØYSTING

Rådmannen sitt framlegg vart samrøystes vedteke.

HS - 003/20 VEDTAK:

Melding om delegerete vedtak vert teken til vitande.

004/20: Prosjekt Arena for Næringsutvikling

Rådmannen sitt framlegg:

Rådmannen sitt framlegg til vedtak:

«Osterøy kommune utset «forprosjekt Arena for Næringsutvikling» på ubestemt tid. Heradstyret ber Osterøy Utvikling AS om å utvikle eit samarbeid med kommunen vv/sekter for samfunnsutvikling med basis i banklokalet på Lonevåg og den årlege løyvinga på 150.000,- til næringsarbeid i kommunen. Heradsstyret ber om ei oversikt frå Osterøy Utvikling AS innan

01.04.2020 på konkrete tiltak som kan gjennomføres innan ramma på 150.000,- og dei ressursane som Osterøy kommune v/ sektor for Samfunnsutvikling disponerar.»

05.02.2020 FORMANNSKAPET

Johannes M. Bysheim, AP, bad om vurdering av sin gildskap som styremedlem i Osterøy utvikling AS. Formannskapet tok og opp spørsmål om gildskap for Rita Tveiten, AP, som styreleiar i Osterøy utvikling AS og Ragnar J. Tyssebotn, FRP, som styremedlem i Osterøy utvikling AS.

Dei tre tok ikkje del i møtet ved avgjerd om gildskap - Berit M. Borge, H og Henrik Øksnes, FRP, møtte som vara - 8 medlemmer/varamedlemmer til stades.

AVRØYSTING - gildskap

Johannes M. Byheim	- vart samrøystes kjend ugild
Rita Tveiten	- vart samrøystes kjend ugild
Ragnar J. Tyssebotn	- vart samrøystes kjend ugild

Vedtaket vart gjort med heimel i fvl. § 6, 1. ledd, bokstav e, nr. 2 *En offentlig tjenestemann er ugild til å tilrettelegge grunnlaget for en avgjørelse eller treffe til å treffe avgjørelse ei en forvaltnings sak når han er medlem av styret ... for et selskap som er part i saken.*

Det vart halde pause i drøftingane frå kl. 17.05 - kl. 17.10 med gruppemøte for FRP og for V og H.

Ordføraren gjorde slikt framlegg: "Saka vert oversend heradsstyret utan innstilling."

AVRØYSTING

Alternativ avrøysting

Rådmannen sitt framlegg	-	0 røyster
Ordføraren sitt framlegg	-	samrøystes

FS - 008/20 VEDTAK:

"Saka vert oversend heradsstyret utan innstilling."

19.02.2020 HERADSSTYRET

Rita Tveiten, AP, bad om vurdering av sin gildskap som styreleiar i Osterøy utvikling AS.

Johannes M. Bysheim, AP, bad om vurdering av sin gildskap som styremedlem i Osterøy Utvikling AS.

Ragnar J. Tyssebotn, FRP, bad om vurdering av sin gildskap som styremedlem i Osterøy Utvikling AS.

Sigmund Faugstad, FRP, bad om vurdering av sin gildskap som styremedlem i Osterøy Utvikling AS.

Dei fire tok ikkje del i møtet ved avgjerd om gildskap - Alexander Thunestvedt, AP, Herdis Helle, AP og John Tysse, FRP møtte som vara - 26 medlemmer/varamedlemmer til stades.

AVRØYSTING - gildskap

Rita Tveiten	- vart samrøystes kjend ugild
Johannes M. Byheim	- vart samrøystes kjend ugild
Ragnar J. Tyssebotn	- vart samrøystes kjend ugild
Sigmund Faugstad	- vart samrøystes kjend ugild

Vedtaket vart gjort med heimel i fvl. § 6, 1. ledd, bokstav e, nr. 2 *En offentlig tjenestemann er ugild til å tilrettelegge grunnlaget for en avgjørelse eller treffe til å treffe avgjørelse ei en forvaltnings sak når han er medlem av styret ... for et selskap som er part i saken.*

Hjalti H. Gislason, H, gjorde slikt framlegg: "Saka vert utsett til neste heradsstyremøte (1. april 2020)."

AVRØYSTING - utsetjing

Framlegget vart samrøystes vedteke

HS - 004/20 VEDTAK:

"Saka vert utsett til neste heradsstyremøte (1. april 2020)."

Rita Tveiten, AP, Johannes M. Bysheim, AP, Ragnar J. Tyssebotn, FRP og Sigmund Faugstad, FRP kom tilbake til møtet etter sak 004/20 – 27 medlemmer/varamedlemmer til stades.

005/20: Erverv av eigedom til samlokalisering av tenester

Rådmannen sitt framlegg:

Rådmannen sitt framlegg til vedtak:

Formannskapet vedtek å kjøpe eigedomen gnr. 4 bnr. 100 for 30 millionar og set av inntil 11 millionar til ombygging/tilpassing av eigedomen.

05.02.2020 FORMANNSKAPET

Ragnar J. Tyssebotn, FRP, gjorde slikt framlegg: "Saka vert oversend heradsstyret utan innstilling."

Hjalti H. Gislason, H, gjorde slikt framlegg: "Formannskapet vedtek å ikkje kjøpa eigedomen 4630-4/100 til samlokalisering av brann- og ambulansetenester. I staden skal kommunen byggja eit nytt bygg til dette spesialistføremålet, og administrasjonen er bedt om å finna eit høveleg areal nærare fv. 566 for det. Samla kostnadsramme for tomt og bygg er uendra, 41 millionar."

AVRØYSTING

FRP sitt framlegg - fall med 7 røyster (2SP,1H,2AP,1V,1SV) mot 2 røyster (2 FRP)

Alternativ avrøysting

rådmannen sitt framlegg - 5 røyster (2SP,2AP,1SV)
Høgre sitt framlegg - 4 røyster (1H,1V, 2FRP)

FS - 007/20 VEDTAK:

"Formannskapet vedtek å kjøpe eigedomen gnr. 4 bnr. 100 for 30 millionar og set av inntil 11 millionar til ombygging/tilpassing av eigedomen."

19.02.2020 HERADSSTYRET

Johannes Haugland, SP, bad om vurdering av sin gildskap i saka, då Osterøy kommune (brann/redning og vaktmeistertenesta) f.t. er leigetakar i sonen sitt bygg på Hauge - han tok ikkje del i møtet ved avgjerd om gildskap - Berit Ophus, SP, møtte som vara - 27 medlemmer/varamedlemmer til stades.

AVRØYSTING - gildskap

Johannes Haugland - vart samrøystes kjend ugild

Vedtaket vart gjort med heimel i fvl. § 6, 2. ledd, bokstav b ... *er ugild til å tilrettelegge for en avgjørelse eller til å treffe avgjørelse i en forvaltningssak når han er i slekt eller svogerskap med part i opp- eller nedstigende linje*

Hjalti H. Gislason, H, gjorde slikt framlegg: "Heradsstyret vedtek å ikkje kjøpa eigedomen 4630- 4/100 til samlokalisering av brann- og ambulansetenester. I staden skal kommunen byggja eit nytt bygg til dette spesialistføremålet. Heradsstyret ber administrasjonen finna høvelege areal til slikt bygg og at desse vert vurdert og presentert i eiga sak. Grovestimat på kostnadar til nytt bygg saman med konseptskisser skal også presenterast. Samla kostnadsramme for tomt og bygg er uendra, 41 millionar."

Framlegget vart trekt før avrøysting.

Jarle Skeidsvoll, KRF, gjorde slikt framlegg: "HS-sak 005/20 vert sendt attende til administrasjonen har sikra ei ekstern moglegstudie av aktuelle alternativ for «samlokalisering av tenester». Moglegstudia skal sikre oversyn over tekniske, driftsmessige og økonomiske sider av alternative løysingar for alle tenestene (inkl. alternativ tenestestad for politiet). I tillegg skal berekraftsperspektivet vektleggast for alle alternativa (val av material/tekniske løysingar/energiløysingar/miljø, etc.). Dette for å sikra ansvarleg og langsiktig forvaltning av kommunen sine ressursar – både økonomiske, materielle og menneskelege."

Framlegget vart trekt før avrøysting.

Det vart halde pause i drøftingane frå kl. 18.50 - kl. 19.00 med gruppemøte for FRP.

Øyvind Litland, AP, bad om vurdering av sin gildskap i saka i høve til alternativ tomt på Oddalsmyra

grunna familietilknytning til tomteeigar (som tidlegare svigerfar)- han tok ikkje del i møtet ved avgjerd om gildskap - Alexander Thunestvedt, AP møtte som vara - 27 medlemmer/varamedlemmer til stades

AVRØYSTING - gildskap

Øyvind Litland vart samrøystes kjend gild.

Vurdering: Heradsstyret fann at det ikkje låg føre grunnlag for ugildskap etter fvl. § 6, 1. ledd, bokstav b når han er i slekt eller svogerskap med en part i opp- eller nedstigende linje , då eigar av Oddalsmyra ikkje er part i denne saka, og at det heller ikkje låg føre forhold som fører til ugildskap etter etter 2. ledd Likeså er han ugild når andre særegne forhold foreligger som er egnet til å svekke tilliten til hans upartiskhet; bl. a. skal legges vekt på om avgjørelsen i saken kan innebære særlig fordel, tap eller ulempe for ham selv eller noen som han har nær personlig tilknytning til

Øyvind Litland, AP, kom tilbake til møtet - Alexander Thunestvedt gjekk frå møtet - 27 medlemmer/varamedlemmer til stades.

Det vart halde pause i drøftingane frå kl. 19.15 - 19.30 med gruppemøte for FRP og for V, KRF og H.

Det vart halde pause i drøftingane frå kl. 19.35 - kl. 19.45 med gruppemøte for FRP.

Kjersti I. Vevatne, V, gjorde slikt felles framlegg frå V/KRF, MDG, H og FRP: "HS-sak 005/20 vert sendt attende til administrasjonen for utgreiing med hjelp av eksterne ressursar. Her skal ein sjå på maks tre alternativ for «samlokalisering av tenester". Utgreiinga skal sikre oversyn over tekniske, driftsmessige og økonomiske sider av alternativa. Saka skal leggjast fram for heradsstyret i mai. Om naudsynt skal det kallast inn til ekstraordinært heradsstyremøte før dette."

AVRØYSTING

alternativ avrøysting

Formannskapet sitt framlegg	-	9 røyster (5SP,2SV,2AP)
Fellesframlegg frå V,H,MDG,KRF,H	-	18 røyster (4H,7FRP, 1MDG,1V, 3KRF, 2AP)

HS - 005/20 VEDTAK:

"HS-sak 005/20 vert sendt attende til administrasjonen for utgreiing med hjelp av eksterne ressursar. Her skal ein sjå på maks tre alternativ for «samlokalisering av tenester". Utgreiinga skal sikre oversyn over tekniske, driftsmessige og økonomiske sider av alternativa. Saka skal leggjast fram for heradsstyret i mai. Om naudsynt skal det kallast inn til ekstraordinært heradsstyremøte før dette."

006/20: Søknad om opptak i forsøksordning om statleg finansierte helse- og omsorgstenester - nærare vurdering

Rådmannen sitt framlegg:

Rådmannen sitt framlegg til vedtak:

Heradsstyret opprettheldt søknad om opptak i forsøksordning om statleg finansierte omsorgstenester. Heradsstyret gir rådmannen fullmakt til å vurdere eit eventuelt tilbod frå Helsedirektoratet. Dersom tilbodet gir betre økonomiske utsikter enn det vi kan sjå i dag, vil det vere føremålstenleg for Osterøy kommune å ta del i ordninga. Dersom tilbodet ikkje er økonomisk gunstig for kommunen, vil Osterøy kommune takke nei til tilbodet.

19.02.2020 HERADSSTYRET

Tone Mjelde, SV, gjorde slikt framlegg: "Rådmannen kjem tilbake med sak til heradsstyret dersom Osterøy Kommune får tilbod om å delta i forsøksordninga."

Framlegget vart trekt før avrøysting.

Alf T. Mortensen, FRP, gjorde slikt framlegg: "Heradsstyret opprettheldt søknad om opptak i forsøksordning om statleg finansierte omsorgstenester. Heradsstyret vurderer eit eventuelt tilbod frå Helsedirektoratet når det føreligg. Om naudsynt vert saka lagt fram i eit ekstra heradstyremøte."

Framlegget vart trekt før avrøysting.

Ordføraren gjorde slikt felles framlegg: "Heradsstyret opprettheldt søknad om opptak i forsøksordning om statleg finansierte omsorgstenester. Heradsstyret delegerer mynde til å ta avgjerd om saka til Formannskapet når svar på søknaden føreligg. Om naudsynt vert saka lagt fram i eit ekstra formannskapsmøte."

AVRØYSTING

Alternativ avrøysting

Rådmannen sitt framlegg	-	0 røyster
Fellesframlegget	-	samrøystes vedteke

HS - 006/20 VEDTAK:

"Heradsstyret opprettheldt søknad om opptak i forsøksordning om statleg finansierte omsorgstenester. Heradsstyret delegerer mynde til å ta avgjerd om saka til Formannskapet når svar på søknaden føreligg. Om naudsynt vert saka lagt fram i eit ekstra formannskapsmøte."

007/20: 4/4 - Hauge - Bruk av eigeedom

Rådmannen sitt framlegg:

Rådmannen sitt framlegg til vedtak:

Formannskapet vedtek å nytte det erverva eigeedom til bustad, barnehage og LNF (tilleggsareal/erstatningsareal) i høve til vedlagte kart.

05.02.2020 FORMANNSKAPET

Turid B. Njåstad, SP, gjorde slikt framlegg: "Formannskapet vedtek å nytte det erverva eigeedom til barnehage og LNF (tilleggsareal /erstatningsareal) i høve til vedlagt kart. Gamle riggtomta skal tilbakeførast til landbruksareal i samsvar med planføresegnene for Borgotunellen."

Ragnar J. Tyssebotn, FRP, gjorde slikt framlegg: "Saka vert oversend heradsstyret utan innstilling."

Det vart halde pause i drøftingane frå kl. 15.30 - kl. 15.35 med gruppemøte for Venstre.

AVRØYSTING

FRP sitt framlegg - fall med 7 røyster (2SP,1H,2AP,1V,1SV) mot 2 røyster (2FRP)

Alternativ avrøysting

Rådmannen sitt framlegg - 1 røyst (1H)

SP sitt framlegg - 8 røyster (2SP,2AP,2FRP,1SV)

FS - 005/20 VEDTAK:

Innstilling til heradsstyret:

"Formannskapet vedtek å nytte det erverva eigeedom til barnehage og LNF (tilleggsareal /erstatningsareal) i høve til vedlagt kart. Gamle riggtomta skal tilbakeførast til landbruksareal i samsvar med planføresegnene for Borgotunellen."

19.02.2020 HERADSSTYRET

Saka vart trekt, jfr. vedtak om endra saksliste i sak 001/20.

HS - 007/20 VEDTAK:

Saka vart trekt, jfr. vedtak om endra saksliste i sak 001/20.

008/20: Finansielle måltal

Rådmannen sitt framlegg:

Rådmannen sitt framlegg til vedtak:

«I samsvar med kommunelova § 14-2 bokstav c, vedtek Heradsstyret desse finansielle måltala for komunen sin økonomi:

Netto driftsresultat skal over tid utgjere 1,75 % av netto driftsresultat.

Gjeldsgrad skal over tid ikkje overstige 70% (korrigert gjeld).

Disposisjonsfond skal over tid utgjere 4 % av brutto driftsresultat.»

05.02.2020 FORMANNSKAPET

AVRØYSTING

Rådmannen sitt framlegg - samrøystes tilrådd

FS - 009/20 VEDTAK:

Inntilling til heradsstyret:

«I samsvar med kommunelova § 14-2 bokstav c, vedtek Heradsstyret desse finansielle måltala for komunen sin økonomi:

Netto driftsresultat skal over tid utgjere 1,75 % av netto driftsinntekt.

Gjeldsgrad skal over tid ikkje overstige 70% (korrigert gjeld) av driftsinntekt.

Disposisjonsfond skal over tid utgjere 4 % av brutto driftsresultat.»

19.02.2020 HERADSSTYRET

Hjalti H. Gislason, H, gjorde slikt framlegg om endring i framlegg til vedtak: "I samsvar med kommunelova § 14-2 bokstav c, vedtek Heradsstyret fylgjande finansielt måltal for kommunen sin økonomi:

Netto driftsresultat skal over tid utgjere 1,00 % av netto driftsinntekt."

AVRØYSTING

Formannskapet sitt framlegg - 1 røyst (1MDG)

Hjalti H. Gislason sitt framlegg - vedteke med 26 røyster (4H,5SP,4AP,2SV,7FRP,1V,3KRF)
mot 1 røyst (1MDG)

HS - 008/20 VEDTAK:

«I samsvar med kommunelova § 14-2 bokstav c, vedtek heradsstyret desse finansielle måltala for komunen sin økonomi: Netto driftsresultat skal over tid utgjere 1 % av netto driftsinntekt."

009/20: Eldrerådet - suppleringsval varamedlemmer

Rådmannen sitt framlegg:

Rådmannen sitt framlegg til vedtak:

Rådmannen gjer ikkje framlegg.

19.02.2020 HERADSSTYRET

Ordføraren gjorde framlegg i samsvar med Valnemnda sitt framlegg: "Ein går vekk frå ordninga med personleg vara, med unntak for heradsstyret sin representant. Varamedlemmer i prioritert rekkjefølgje: 1. Esther Halland, 2. Ole Johan Faugstad, 3. Berta Vevle."

AVRØYSTING

Framlegget vart samrøystes vedteke.

HS - 009/20 VEDTAK:

"Ein går vekk frå ordninga med personleg vara, med unntak for heradstyret sin representant. Vararepresentantar i prioritert rekkefølge: 1. Esther Halland, 2. Ole Johan Faugstad, 3. Berta Vevle."

010/20: Rådet for menneske med nedsett funksjonsevne - nytt val av medlemmer og varamedlemmer

Rådmannen sitt framlegg:

Rådmannen sitt framlegg til vedtak:

Rådmannen gjer ikkje framlegg.

19.02.2020 HERADSSTYRET

Ordføraren gjorde slikt framlegg i samsvar med Valnemnda sitt framlegg: "Medlem: Dagrund Vevle, NFU Osterøy - Vara: Kåre Hagebø. Medlem: Oddvar Melchersen, LHL Osterøy - Vara Åse Olsnes. Medlem: Aksel Låstad, SAFO - Vara: Roald Hauge. Medlem: Inge Johannes Reigstad, Osterøy revmatikarlag - Vara: Håvard Jacobsen Reigstad. Medlem: Ingvild Stuberg, Osterøy hørselslag - Vara: Knut T Bruvik. Medlem: Berit M. Borge, heradsstyret - Vara: Ann-Mari Hannisdal."

AVRØYSTING

Framlegget vart samrøystes vedteke.

HS - 010/20 VEDTAK:

Valde medlemmer og varamedlemmer i Rådet for menneske med nedsett funksjonsevne:

Medlem :Dagrun Vevle, NFU Osterøy - Vara: Kåre Hagebø. Medlem: Oddvar Melchersen, LHL Osterøy - Vara Åse Olsnes. Medlem: Aksel Låstad, SAFO - Vara: Roald Hauge. Medlem: Inge Johannes Reigstad, Osterøy revmatikarlag - Vara: Håvard Jacobsen Reigstad. Medlem: Ingvild Stuberg, Osterøy hørselslag - Vara: Knut T Bruvik. Medlem: Berit M. Borge, heradsstyret - Vara: Ann-Mari Hannisdal."

011/20: Stiftelsen Mjelstad Restdeponis Etterdriftsfond - val av styremedlem

Rådmannen sitt framlegg:

Rådmannen sitt framlegg til vedtak:

«..... vert oppnemnd som Osterøy kommune sin representant i styret for Stiftelsen Mjelstad Restdeponis Etterdriftsfond.»

19.02.2020 HERADSSTYRET

Ordføreren gjorde slikt framlegg i samsvar med Valnemnda sitt framlegg: "Ordføreren vert oppnemnd som Osterøy kommune sin representant i styret for stiftelsen Mjelstad restdeponis etterdriftsfond."

AVRØYSTING

Framlegget vart samrøystes vedteke.

HS - 011/20 VEDTAK:

"Ordføreren vert oppnemnd som Osterøy kommune sin representant i styret for stiftelsen Mjelstad restdeponis etterdriftsfond."

012/20: Stiftinga Havråtunet - val av representant til styret for 2020 - 2023

Rådmannen sitt framlegg:

Rådmannen sitt framlegg til vedtak:

Som Osterøy kommune sin representant til styret for Stiftinga Havråtunet for perioden 2020 – 2023 vert vald: Representant: Vara:

19.02.2020 HERADSSTYRET

Ordføreren gjorde slikt framlegg i samsvar med Valnemnda sitt framlegg: "Medlem: Kjersti Vevatne
Vara: Sigmund Faugstad."

AVRØYSTING

Framlegget vart samrøystes vedteke.

HS - 012/20 VEDTAK:

Val av representant til styret for Stiftinga Havråtunet:

"Medlem: Kjersti Vevatne med vara Sigmund Faugstad."

Andre saker/spørsmål

Siren T. Tyssebotn, FRP, hadde send inn spørsmål til møtet. Spørsmål og svar er lagt ut i Møteportalen.

På vegne av innbyggjarane:

1. Osterøy kommune er ein av dei få kommunane som ikkje tilbyr kreftkoordinator til dei kreftramma innbyggjarane og deira pårørende. Kva er kommunen sin plan med tanke på å tilby kreftkordinator til innbyggjarane?

Svar: Det er mange tenester og tilbod vi gjerne skulle tilbydd innbyggjarane. Kreftkoordinator er ikkje ei lovpålagt oppgåve. Vi har difor ikkje kunna prioritere dette framfor å løyse lovpålagde oppgåver.

2. I 2019 var det eit mediaoppslag der kommunen i samarbeid ved Osterøy Vidaregåande skule ville satse på å utdanne helsefagarbeidarar. Vidaregåande skulle utdanne elevane, og kommunen skulle stille med lærlingeplasser. Det var utlyst ei stilling no, med søknadsfrist 15.02.20. Å lyse ut ei stilling, er ikkje i samsvar med lovnaden. Kva vil kommunen gjere med dette?

Svar: I budsjettet for 2020 på side 39 står det å lese: « Tal lærlingar blir redusert til 6 ordinære lærlingar og 1 TAF frå hausten 2020» Informasjonen om reduksjon med 1 ordinær lærling var såleis kjent for heradsstyret då dei gjorde vedtak om budsjett for 2020 og økonomiplan 2020 til 2023.

3. Det er i desse dager utlyst fleire nyoppretta stillinger på heimesida til kommunen. Korleis kan kommunen finne økonomi til dette?

Svar: Etter det rådmannen kan sjå er det ingen nyoppretta stilling som er lyst ut. Vi har for tida fleire ledige stillingar. Dette er stillingar som av ulike grunnar er vakante og som vi har vurdert det naudsynt å rekruttere folk inn i dersom vi skal klare å levere dei tenester vi er pålagt.

4. Den 17.12.19 var det eit oppslag i Bygdanytt med overskrift «Kommunen fann ei mellombels løysing på rusprosjektet». Det står vidare at fortvilninga var stor både blant brukarar og tilsette i eininga psykisk helse og rusomsorg då rådmannen skrinla rusprosjektet i budsjettet. No kjem kommunen med ein kontrabeskjed, der einingsleiar kunne komme med beskjed om at dei utsetter nedlegginga av prosjektet. Det skulle finansierast med midlar som skulle brukast til samanslåing av bufellesskapet på Reigstad og Haus tok lenger tid enn forventa. Då hadde dei pengar til overs. Eg har ein oppfatning av at vedtak i budsjettet ikkje vart fulgt i denne saka.
 - a. Er det slik det fungerer, at einingane kan la vere å fylgje vedtak som vert bestemt i Heradstyret?
 - b. Viss det er pengar til overs, som i denne saka, kan einingane då gjere som dei sjølv vil?
 - c. Finnes det andre postar som vart vedtatt i budsjettet, som ikkje er fulgt av kommunen?

Svar: Heradstyret vedtek budsjettet på rammenivå. Rådmannen rapporterer til heradsstyret på same nivå som budsjettet er vedteke på. Innanfor ramma vert midlane fordelt på ulike tenester og oppgåver kommunen skal løyse. Vi freistar heile tida å fordele midlane som er til disposisjon så godt som mogeleg for å løyse oppgåver vi er pålagt.

Opptappingsplanen for rus og psykiatri set krav til at kommunen skal prioritere tenester til denne brukargruppa. I Osterøy har vi diverre nedprioritert denne målgruppa i strid med pålegga i opptappingsplanen. At vi gjennom omdisponering av midlar som fylgje av vakanse kunne få til ei mellombels løysing for vidareføring av tiltaket for personar med rusrelaterte lidningar meiner rådmannen er positivt.

Budsjettet er ikkje noko fasit men ein plan for korleis ei tenkjer å bruke midlar i året, men det skjer mykje i løpet av eit år som gjer at vi må leggje nye planar, omprioritere og flytte ressursar for å nyte ressursar best mogeleg. Dersom rådmannen skal kome tilbake med sak til heradsstyret for kvar gang ein må endre på planar og prioriteringar vil dette ta mykje administrativ kapasitet gå ut over dei oppgåvene vi skal løyse. Det er difor vi har eit system med rammebudsjettering.

5. Ved dei kommunale eldrebustadane i Haus, mangler det et par kvadrat med asfalt for at vegen til bustadane er dekkja. Siste kvadraten med grus, gjer det utfordrande for rullestolbrukarar å komme seg inn og ut bustaden, fordi det er utfordrande å kjøre rullestol i grus. Er det mogeleg å få asfaltert siste meteren?

Svar: Vi rettar dette.

Bjarne Aarland, KRF, tok opp spørsmål om det er vurdert om Opro AS kan stå for kantinedrifta i kommunen. Han bad og om ei orientering om kommunen sitt kriseteam. Han viste og til presseoppslag om vald og truslar og tilsette og gav ros for rådmannen si handtering. Han gav og ros for ordføraren og leiarane si hospitering i servicekontoret.

Ordføraren gjorde merksam på at ein finn informasjon om kriseteamet på kommunen si heimeside, sjå <https://www.osteroy.kommune.no/innhald/helse-sosial-og-omsorg/psykososialt-kriseteam/>

Det vart ikkje gjort vedtak i tilknytning til spørsmål og svar.

Opprop om evakuering av barn frå flyktingeleiren i Moria

Elin Hege B. B. Lona, SV, gjorde slikt framlegg: «Heradsstyret støttar oppropet om evakuering av barna frå flyktingeleiren i Moria, Hellas.»

AVRØYSTING – ta saka opp til handsaming

Ja - 13 røyster (2SV,4AP,1MDG,1V,3KRF,1SP,1H)

Nei - 14 røyster (7FRP,4SP,3H)

Saka vart etter dette ikkje teke opp til handsaming.

Ordføraren oppmoda om at interpellasjon vert meir nytta dersom ein ynskjer å ta opp saker/tema i heradsstyret. Rutiner for dette går fram av reglementet.

Ordføraren opplyste vidare at han om kort tid vil ta eit møte med gruppeleiarane for drøfting av rutiner reglar for for sakshandsaminga i heradsstyret.

Til å skriva under møteprotokollen saman med ordføraren vart desse valde: Kari Laurhammer Mjøs og Jørgen Varden

Lonevåg, 21.02. 2020

Bente Skjerping
utvalssekretær

Lars Fjeldstad
ordfører

Kari Laurhammer Mjøs

Jørgen Varden